

**FRAMKVÆMDARREGLUGERÐ FRAMKVÆMDASTJÓRNARINNAR (ESB)  
nr. 293/2012****2017/EES/40/21****frá 3. apríl 2012****um vöktun og skýrslugjöf gagna um skráningu nýrra, létttra atvinnuökutækja samkvæmt reglugerð  
Evrópuþingsins og ráðsins (ESB) nr. 510/2011/ESB (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 510/2011 frá 11. maí 2011 um að setja staðla um mengunarvarnargetu nýrra létttra atvinnuökutækja sem hluta af samþættri stefnu Sambandsins um að draga úr losun koltvísýrings frá léttum ökutækjum<sup>(1)</sup>, einkum fyrstu undirgrein 9. mgr. 8. gr.,*og að teknu tilliti til eftirfarandi:*

- 1) Í samræmi við 8. gr. reglugerðar (ESB) nr. 510/2011 skulu aðildarríki árlega skrá og senda tiltekin gögn til framkvæmdastjórnarinnar um ný, létt atvinnuökutæki sem skráð eru á yfirráðasvæði þeirra á næstliðnu ári. Þar sem þessi gögn eru grundvöllur fyrir ákvörðun markmiða um sértæka losun koltvísýrings fyrir framleiðendur nýrra, létttra atvinnuökutækja og fyrir mat á því hvort að framleiðendur uppfylli þessi markmið, er nauðsynlegt að samræma reglurnar um söfnun þessara gagna og skýrslugjöf um þau.
- 2) Til að hægt verði að fella ökutæki í flokkum M<sub>2</sub> og N<sub>2</sub> inn í reglugerð (ESB) nr. 510/2011 síðar meir, í samræmi við 2. mgr. 13. gr. þeirrar reglugerðar, skulu gögn um þessa flokka ökutækja skráð og send framkvæmdastjórninni.
- 3) Til þess að meta til fulls hvort að hver framleiðandi uppfylli markmið sitt um sértæka losun koltvísýrings, sem ákvarðað er samkvæmt reglugerð (EB)

(\*) Þessi EB-gerð birtist í Stjútíð. ESB L 98, 4.4.2012, bls. 1. Hennar var getið í ákvörðun sameiginlegu EES-nefndarinnar nr. 111/2017 frá 16. júní 2017 um breytingu á XX. viðauka (Umhverfismál) við EES-samninginn, biður birtingar.

(<sup>1</sup>) Stjútíð. EB L 145, 31.5.2011, bls. 1.

nr. 510/2011 og til að fá nauðsynlega reynslu af beitingu þeirrar reglugerðar, þarf framkvæmdastjórnin ítarleg gögn frá framleiðendum fyrir hverja framleiðsluröð ökutækis, skilgreint eftir gerð, afbrigði og útfærslu. Aðildarríki skulu því tryggja að slík gögn séu skráð og send framkvæmdastjórninni ásamt samanteknum gögnum í samræmi við 2. mgr. 8. gr. þeirrar reglugerðar.

- 4) Samkvæmt 18. og 26. gr. tilskipunar Evrópuþingsins og ráðsins 2007/46/ESB frá 5. september 2007 um ramma um viðurkenningu á vélknúnum ökutækjum og eftirvögnum þeirra og á kerfum, íhlutum og aðskildum tækieiningum sem ætlaðar eru í slík ökutæki<sup>(2)</sup> skal framleiðandi tryggja að hverju nýju léttu atvinnuökutæki sem er sett á markað í Sambandinu, fylgi gilt samræmisvottorð og að aðildarríki megi ekki skrá slíkt ökutæki nema því fylgi slíkt samræmisvottorð. Því skal samræmisvottorðið vera helsta heimildin fyrir upplýsingunum, sem aðildarríkjum ber að skrá og hafa tiltækar fyrir framleiðendur skv. 1. mgr. 8. gr. reglugerðar (EB) nr. 510/2011 og gefa skýrslu um til framkvæmdastjórnarinnar. Í tilteknum rökstuddum tilvikum er aðildarríkjum einnig heimilt að nota upplýsingar frá öðrum heimildum en samræmisvottorðinu, að því tilskildu að nákvæmni heimildanna sé jafngild og í samræmisvottorðinu og, ef nauðsyn krefur, að viðkomandi aðildarríki geri ráðstafanir til að tryggja þá nákvæmni.
- 5) Gögn um skráningu nýrra létttra atvinnuökutækja skulu vera nákvæm og unnið úr þeim á skilvirkan hátt í þeim tilgangi að ákvarða markmið um sértæka losun í samræmi við 4. gr. reglugerðar (ESB) nr. 510/2011. Framleiðendur skulu því veita framkvæmdastjórninni uppfærðar upplýsingar um heiti framleiðendanna sem eru notaðar á samræmisvottorðunum í mismunandi skráningaraðildarríkjum. Þessar upplýsingar gera framkvæmdastjórninni kleift að útvega aðildarríkjum

(<sup>2</sup>) Stjútíð. ESB L 263, 9.10.2007, bls. 1.

uppfærða skrá yfir heiti tiltekinna framleiðenda sem nota skal vegna skýrslugjafar um gögn.

- 6) Aðildarríki skulu skrá og gefa skýrslu um upplýsingar um nýskráð ökutæki sem eru hönnuð til að ganga fyrir óhefðbundnu eldsneyti. Til þess að framkvæmdastjórnin geti tekið tillit til þess að dregið sé úr markmiði um sértæka losun vegna notkunar etanóleldsneytis (E85) í samræmi við 6. gr. reglugerðar (ESB) nr. 510/2011 skulu aðildarríki veita framkvæmdastjórninni nauðsynlegar upplýsingar, þ.m.t. um fjölda áfyllistöðva á yfirráðasvæði þeirra og, eftir atvikum, heildarfjölda þeirra sem bjóða upp á etanóleldsneyti (E85) og uppfylla viðmiðanir um sjálfbærni sem settar eru fram í tilskipun Evrópuþingsins og ráðsins 2009/28/EB frá 23. apríl 2009 um að auka notkun orku frá endurnýjanlegum orkugjöfum og um breytingu og síðar niðurfellingu á tilskipunum 2001/77/EB og 2003/30/EB <sup>(1)</sup> og 7. gr. b í tilskipun Evrópuþingsins og ráðsins 98/70/EB frá 13. október 1998 um gæði bensíns og díseldsneytis og breytingu á tilskipun ráðsins 93/12/EBE <sup>(2)</sup>.
- 7) Til að komast hjá óþarfa tvítekingu gagna skulu upplýsingarnar um fjölda áfyllistöðva á einstökum yfirráðasvæðum aðildarríkjanna sem selja etanóleldsneyti (E85) og veittar eru í samræmi við 6. gr. reglugerðar framkvæmdastjórnarinnar (ESB) nr. 1014/2010 frá 10. nóvember 2010 um vöktun og skýrslugjöf gagna um skráningu nýrra fólksbifreiða samkvæmt reglugerð Evrópuþingsins og ráðsins (EB) nr. 443/2009 <sup>(3)</sup>, notaðar að því er varðar 6. gr. reglugerðar (ESB) nr. 510/2011.
- 8) Í 23. og 24. gr. tilskipunar 2007/46/EB er kveðið á um einfaldaða viðurkenningaráferð þar sem þess er ekki krafist að gefið sé út evrópskt samræmisvottorð. Aðildarríkin skulu vakta fjölda ökutækja sem skráð eru samkvæmt þessum áferðum til þess að meta áhrif þeirra á vöktunarferlið og hvort að meðaltali Sambandsins um markmið vegna losunar koltvísýrings sé náð fyrir flota nýrra, léttra atvinnuökutækja.
- 9) Ráðstafanirnar, sem kveðið er á um í þessari reglugerð, eru í samræmi við álit nefndarinnar um loftslagsbreytingar.

#### SAMÞYKKT REGLUGERÐ ÞESSA:

*1. gr.*

#### Efni

Í þessari reglugerð eru settar fram reglur um söfnun og skýrslugjöf gagna um skráningu eftirfarandi ökutækja:

- a) léttra atvinnuökutækja, sem um getur í 1. mgr. 2. gr. reglugerðar (ESB) nr. 510/2011,

- b) ökutækja í flokkum M<sub>2</sub> og N<sub>2</sub> sem um getur í 10. mgr. 8. gr. þeirrar reglugerðar.

*2. gr.*

#### Skilgreiningar

Í þessari reglugerð gilda skilgreiningarnar sem settar eru fram í 2. og 3. gr. reglugerðar (ESB) nr. 510/2011, sem og skilgreiningarnar „gasökutæki sem knýja má með tveimur tegundum eldsneytis“ og „etanólknúíð ökutæki sem knýja má með fjölblöndueldsneyti“ sem settar eru fram í 2. gr. reglugerðar framkvæmdastjórnarinnar (EB) nr. 692/2008 <sup>(4)</sup>. Jafnframt gilda eftirfarandi skilgreiningar:

- 1) „gerðarviðurkenningarskjöl“: skjöl sem innihalda gögnin sem eru tilgreind í þriðja dalki töflunnar sem er sett fram í I. viðauka við þessa reglugerð,
- 2) „samantekin vöktunargögn“: samanteknu gögnin sem tilgreind eru í 1. þætti C-hluta II. viðauka við reglugerð (ESB) nr. 510/2011,
- 3) „ítarleg vöktunargögn“: ítarlegu gögnin sem tilgreind eru í 2. þætti í C-hluta II. viðauka við reglugerð (ESB) nr. 510/2011, sem eru aðgreind eftir framleiðanda og framleiðsluröð ökutækisins eins og skilgreint er eftir gerð, afbrigði og útfærslu.

*3. gr.*

#### Gagnasending

Aðildarríkin skulu senda samanteknu vöktunargögnin ásamt ítarlegu vöktunargögnunum á rafrænan hátt í miðlæga gagnasafnið sem Umhverfisstofnun Evrópu stýrir. Aðildarríki skulu tilkynna framkvæmdastjórninni þegar gögnin eru send.

*4. gr.*

#### Gagnagjafi

1. Aðildarríki skulu undirbúa samanteknu vöktunargögnin og ítarlegu vöktunargögnin sem byggja á upplýsingum úr samræmisvottorði eða gerðarviðurkenningarskjölum viðkomandi létts, atvinnuökutækis eins og tilgreint er í töflunni í I. viðauka við þessa reglugerð.

2. Mæliþátturinn „heildarfjöldi nýrra skráninga“ í ítarlegu vöktunargögnunum skal ákvarðaður út frá heildarfjölda skráninga sem verða til á hverju ári í tengslum við einstök ökutæki.

3. Mæliþátturinn „flokkur skráðs ökutækis“ í ítarlegu vöktunargögnunum skal byggja á tæknilegum eiginleikum ökutækisins þegar það er skráð.

4. Þegar fleiri en heiti nafn framleiðanda er á samræmisvottorðinu eða gerðarviðurkenningarskjölunum skal aðildarríkið tilgreina framleiðanda grunnökutækisins.

<sup>(1)</sup> Stjtið. ESB L 140, 5.6.2009, bls. 16.

<sup>(2)</sup> Stjtið. EB L 350, 28.12.1998, bls. 58.

<sup>(3)</sup> Stjtið. EB L 293, 11.11.2010, bls. 15.

<sup>(4)</sup> Stjtið. ESB L 199, 28.7.2008, bls. 1.

5. Losunargildi koltvísyrings, sem tilkynna skal samkvæmt mæliþættinum „sértæk losun koltvísyrings“ í ítarlegu vöktunargögnunum, skal fengið í færslunni „blandaður akstur“ í samræmisvottorðinu eða gerðarviðurkenningarskjölunum, nema í þeim tilvikum sem færslan fyrir „veginn blandaður akstur“ á við.

6. Þegar tilgreind eru ökutæki, sem ganga fyrir óhefðbundnu eldsneyti, í ítarlegu vöktunargögnunum, skal lögbært yfirvald útvega upplýsingar um tegund eldsneytis og eldsneytisham eins og tilgreint er í I. viðauka við þessa reglugerð.

7. Ef um er að ræða gasknúið ökutæki sem knýja má með tveimur eldsneytistegundum eða etanólknúði ökutæki sem knýja má með fjölblöndueldsneyti, skal lögbært yfirvald tilgreina eftirfarandi losunargildi koltvísyrings samkvæmt mæliþættinum „sértæk losun koltvísyrings (g/km)“ í ítarlegu vöktunargögnunum:

- a) fyrir gasknúin ökutæki sem knýja má með tveimur eldsneytistegundum, sem ganga fyrir bensíni og loftkenndu eldsneyti, losunargildi koltvísyrings fyrir fljótandi jarðólufugas (LPG) eða jarðgas (NG) í samræmi við 2. lið í A-hluta II. viðauka við reglugerð (ESB) nr. 510/2011,
- b) fyrir etanólknúin ökutæki sem knýja má með fjölblöndueldsneyti, sem ganga fyrir bensíni og etanóli (E85), sem um getur í 6. gr. reglugerðar (EB) nr. 510/2011, losunargildi koltvísyrings fyrir bensín.

Í tilvikum þar sem b-liður gildir skulu aðildarríkin einnig tilgreina gildið fyrir bensín þegar skilyrðin um að draga úr losun, sem sett eru fram í 6. gr. reglugerðar (ESB) nr. 510/2011, eru ekki uppfyllt. Aðildarríkjunum er þó heimilt að tilgreina einnig gildið fyrir E85.

8. Þegar ökutækið er búið fleiri en einum stýriás eða óstýrðum ás með mismunandi breidd skal aðildarríkið tilgreina hámarksbreidd áss undir mæliþættinum „Sporvídd hins ássins (mm)“ í ítarlegu vöktunargögnunum. Hjólhaf þessara ökutækja skal vera fjarlægðin milli ytri framáss og ytri afturáss.

9. Þegar samanteknu vöktunargögnin og ítarlegu vöktunargögnin eru fengin úr gerðarviðurkenningarskjölunum, og þegar þessi gögn fela í sér gildisbil, skulu aðildarríkin tryggja að tilgreind gögn séu nægilega nákvæm og að þau séu í samræmi við gögnin í samræmisvottorðinu.

5. gr.

#### Viðhald og eftirlit gagna

Aðildarríkin skulu tryggja viðhald, söfnun, eftirlit, sannprófun og sendingu samanteknu vöktunargagnanna og ítarlegu vöktunargagnanna.

6. gr.

#### Undirbúningur aðildarríkja á gögnum

Ítarlegu vöktunargögnin skulu tilgreind með þeirri nákvæmni sem mælt er fyrir um í II. viðauka.

7. gr.

#### Tilgreining áfyllistöðva sem selja etanóleldsneyti (E85)

Hvað varðar 6. gr. reglugerðar (ESB) nr. 510/2011 skal nota upplýsingarnar sem tilgreindar eru skv. 6. gr. reglugerðar (ESB) nr. 1014/2010.

8. gr.

#### Ökutæki sem ekki falla undir EB-gerðarviðurkenningu

1. Þegar létt atvinnuökutæki falla undir landsbundna gerðarviðurkenningu lítillar framleiðsluraðar í samræmi við 23. gr. tilskipunar 2007/46/EB eða undir einstakar viðurkenningar í samræmi við 24. gr. þeirrar tilskipunar, skulu aðildarríki upplýsa framkvæmdastjórnina um fjölda slíkra bifreiða, sem skráðar eru á yfirráðasvæði þeirra.

2. Við samantekt samanteknu vöktunargagnanna skal lögbært yfirvald tilgreina eitt af eftirfarandi, í staðinn fyrir heiti framleiðanda:

- a) „AA-IVA“ til að tilkynna um gerð ökutækis sem hefur einstaka viðurkenningu,
- b) „AA-NSS“ til að tilkynna um gerð ökutækis sem hefur landsbundna viðurkenningu í lítilli framleiðsluröð.

Aðildarríki geta einnig lagt fram ítarleg vöktunargögn fyrir þessi ökutæki og skulu í þeim tilvikum nota heitin sem um getur í a- og b-lið.

9. gr.

#### Skrá yfir framleiðendur

1. Framleiðendur skulu eigi síðar en 1. júní 2012 tilkynna framkvæmdastjórninni um heitin sem þeir tilgreina eða hyggjast tilgreina á samræmisvottorðunum. Þeir skulu tilkynna framkvæmdastjórninni án tafar um allar breytingar á þessum upplýsingum. Nýir framleiðendur, sem koma á markaðinn, skulu án tafar tilkynna til framkvæmdastjórnarinnar um heitin sem þeir tilgreina eða hyggjast tilgreina á samræmisvottorðunum.

2. Þegar gengið er frá samanteknu vöktunargögnunum og ítarlegu vöktunargögnunum skal lögbært yfirvald nota heiti framleiðendanna, sem koma fram í skránni, sem framkvæmdastjórnin skal gera á grundvelli heitanna, sem tilkynnt er um skv. 1. mgr. Skráin skal birt á Netinu í fyrsta skipti 1. september 2012 og uppfærð reglulega.

3. Þegar heiti framleiðanda kemur ekki fram í þeirri skrá skal lögbært yfirvald nota heitið á samræmisvottorðinu eða á gerðarviðurkenningarskjalinu í þeim tilgangi að ganga frá samanteknu vöktunargögnunum og ítarlegu vöktunargögnunum.

10. gr.

#### Viðbótarupplýsingar sem framleiðendum ber að veita

1. Að því er varðar tilkynninguna, sem um getur í annarri undirgrein 4. mgr. 8. gr. reglugerðar (ESB) nr. 510/2011, skulu framleiðendur, eigi síðar en 1. júní 2012, tilkynna framkvæmdastjórninni um viðeigandi nafn og heimilisfang tengiliðsins sem tilkynningin skal send til.

Framleiðandinn skal tilkynna framkvæmdastjórninni án tafar um hvers konar breytingar á gögnunum sem hafa verið afhent. Nýir framleiðendur sem koma á markaðinn skulu tilkynna framkvæmdastjórninni án tafar um nafn og heimilisfang tengiliðar síns.

2. Þegar hópur tengdra fyrirtækja myndar samlag skal hann, í þeim tilgangi að ákveða hvort ákvæði 6. mgr. 7. gr. reglugerðar (ESB) nr. 510/2011 gildi, sýna framkvæmdastjórninni

fram á tengslin á milli aðila hópsins í samræmi við viðmiðanirnar sem mælt er fyrir um í 2. mgr. 3. gr. þeirrar reglugerðar.

*11. gr.*

#### **Gildistaka**

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 3. apríl 2012.

*Fyrir hönd framkvæmdastjórnarinnar,*

José Manuel BARROSO

*forseti.*

---

## I. VIÐAUKI

## GAGNAGJAFAR

Mælipáttur	Samræmisvottorð (1. hluti, sem sett er fram í IX. viðauka við tilskipun 2007/46/EB)	Gerðarviðurkenningarskjöl (tilskipun 2007/46/EB)
Framleiðandi	Liður 0.5	Liður 0.5 í 1. hluta III. viðauka
Gerðarviðurkenningarnúmer	b-liður liðar 0.10	Fyrirsögn VI. viðauka
Gerð	Liður 0.2	Liður 0.2 í 1. hluta III. viðauka
Afbrigði	Liður 0.2	3. liður VIII. viðauka
Útfærsla	Liður 0.2	3. liður VIII. viðauka
Tegund	Liður 0.1	Liður 0.1 í 1. hluta III. viðauka
Flokkur viðurkenndrar ökutækjagerðar	Liður 0.4	Liður 0.4 í 1. hluta III. viðauka
Massi (kg)	Liður 13	Liður 2.6 í 1. hluta III. viðauka (1)
Tæknilega leyfilegur hámarksmassi með hleðslu (kg)	Liður 16.1	Liður 2.8 í 1. hluta III. viðauka
Grunnflötur — Hjólhaf (mm)	Liður 4	Liður 2.1 í 1. hluta III. viðauka (1)
Grunnflötur — Sporvidd (mm)	Liður 30	Liður 2.3.1. og 2.3.2. í 1. hluta III. viðauka (2)
Sértæk losun koltvísýrings (g/km) (3)	Liður 49.1	3. liður VIII. viðauka
Tegund eldsneytis	Liður 26	Liður 3.2.2.1 í 1. hluta III. viðauka
Eldsneytishamur	Liður 26.1	Liður 3.2.2.4 í 1. hluta III. viðauka
Slagrými (cm <sup>3</sup> )	Liður 25	Liður 3.2.1.3 í 1. hluta III. viðauka
Raforkunotkun (Wh/km)	Liður 49.2	

(1) Í samræmi við 9. mgr. 4. gr. þessarar reglugerðar.

(2) Í samræmi við 8. og 9. mgr. 4. gr. þessarar reglugerðar.

(3) Í samræmi við 5. mgr. 4. gr. þessarar reglugerðar.

## II. VIÐAUKI

## TAFLA YFIR NÁKVÆMNI GAGNA

*Kröfur um nákvæmni ítarlegra vöktunargagna sem tilkynna skal í samræmi við 6. gr.*

CO <sub>2</sub> (g/km)	Heiltala
Massi (kg)	Heiltala
Tæknilega leyfilegur hámarksmassi með hleðslu (kg)	Heiltala
Grunnflötur — Hjólhaf (mm)	Heiltala
Grunnflötur — Sporvidd (mm)	Heiltala
Slagrými (cm <sup>3</sup> )	Heiltala
Raforkunotkun (Wh/km)	Heiltala
Dregið úr losun með nýsköpunartækni (g/km)	Námundað að næsta tugasæti